

大定丁未十一月十三日初奉宣詔

上騰和氣徹三台下布祥雲遍九陔化出空中清雨降道橫四海一聲雷

到滄州無棣縣新豐村皇親四官人道庵盤桓續奉聖旨
委天長觀大德宣至十七日復委棣州七駙馬支起發錢
二百貫臨行贈眾

諸天仙眷滿空浮帶我容光西北流統攝萬靈澄浩渺翠光撥
弄紫雲頭

入天長觀

入得天長正位宮交參殿宇映重重金壇玉壁朝元像七寶玲

道藏輯要

雲光集

三

胃集九
川上

瓏顯聖容

朝真

香散雲霞接太空祝延震動絳霄宮羣仙共集煙深鎖大德清
朝講正宗

入靜位

法門玄教鎖雲空四大和光靜位中門化諸天真妙道收神明
月與清風

宣詔

恭惟悚息定神光閉目祈聞聖語詳伏願天皇萬萬歲迴心三
寶結嘉詳